



Broj: 04-40-1-328/25
Sarajevo, 25.11.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 24.11.2025. do 08:30 sati 25.11.2025. godine**

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su ukupno 10 intervencija, devet manjih i jednu veću.

Veća intervencija se odnosi na gašenje zapaljenog stambenog objekta (gorio krov kuće) u ulici Osenik (Hadžići). Informacija o požaru je zaprimljena u 05:13 sati. Vatrogasne ekipe su na licu mjesta bile u 05:24 sati, a njihov povratak u bazu bio je u 08:39 sati. Požar je napravio veću materijalnu štetu, dok ljudskih žrtava nije bilo. U ovoj intervenciji je učestvovalo 16 vatrogasaca sa pet vozila.

Manje intervencije se odnose na šest obezbjeđivanja tankovanja goriva na Međunarodnom aerodromu „Sarajevo“, gašenje zapaljenog električnog brojila i gašenje zapaljene barake.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 24.11.2025. godine, utvrdili su slijedeće stanje:

1. Curine njive (Opština Istočni Stari Grad / Općina Stari Grad Sarajevo – Bostarići)

Uočene su geološke promjene, uključujući formiranje pukotina uslijed atmosferskih uticaja i pucanja tla (na dijelu “Curine njive ispod igrališta” – dio šumskog zemljišta). Na lokalitetu klizišta uslijed obilnih padavina, došlo je do značajnih oštećenja drenažnog kanala. Velike količine vode koje se slijevaju u kanal dovele su do ispiranja drenažnog materijala –tampona zbog čega su se na pojedinim mjestima pojavile veće udubine i oštećenja duž drenažnog kanala. Na površini igrališta, kao i na samom tijelu klizišta uočene su veće neravnine i deformacije tla. Također su vidljivi površinski tokovi vode većeg kapaciteta-neki se usmjeravaju prema drenažnom kanalu, dok drugi teku nekontrolisano niz padinu klizišta.

I dalje je na snazi pripravnost DVD Vratnik, Savjet mjesne zajednice Širokača i Klico trans d.o.o.

2. Knjeginjac (Opština Istočni Stari Grad)

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i utjecaj atmosferskih faktora.

Trenutno je tlo klizišta prekriveno snijegom, dok su u kanalima koji prolaze kroz ulicu Ablakovina vidljive povećane količine vode koje protiču kroz postojeće odvodne kanale. Na lokalitetu deponije vidljivo da je cijela deponija prekrivena snijegom ali se u donjem dijelu konstantno vidi dotok vode te plavne površine.

Na donjem dijelu deponijskog materijala, stručni tim Instituta za geotehniku i geološko inženjerstvo sa Građevinskog fakulteta u Sarajevu proveo je geotehnička istraživanja tla, uključujući izradu geoloških bušotina, i prikupio podatke potrebne za procjenu svojstava tla i izradio projekt sanacije aktivnog klizišta.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac / Opština Istočni Stari Grad)

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka.

Na lokalitetu Bistričkog potoka nema zastoja u protoku vode dok je na dijelu iznad mosta na Boguševac konstantno vidljivo prisustvo oborenih stabala te urušenih stijena u koritu. Taj dio pripada Opštini Istočni Stari grad.

4. Evakuacija stanovništva s ugroženih područja

Na osnovu **Naredbi Štaba civilne zaštite Kantona Sarajevo** (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i **Planova evakuacije Općine Stari Grad Sarajevo**, Služba civilne zaštite redovno obilazi naselja **Bostarići, Ablakovina i Ablakovina čikma**. U toku su **procjene rizika** i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 10°C, vlažnost zraka 75%, barometarski pritisak 930,0 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Stari Grad – Careva ćuprija, zbog sanacionih radova na mostu, saobraćaj je privremeno obustavljen. Vozila se preusmjeravaju na alternativne pravce.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a